



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum
Qvae Historiam Complectitur vniuersæ Paßionis Dominicæ

Puente, Luis de la

Coloniae, 1614

Med. 12. De stupenda vini in Christi sanguinem conuersione; & ingentibus
huius sanguinis thesauris.

[urn:nbn:de:hbz:466:1-54653](https://nbn-resolving.org/urn:nbn:de:hbz:466:1-54653)

MEDITATIO XII.

DE CONVERSIONE VINI
in Sanguinem Christi, & thesau-
ris qui in ea la-
tent.

PUNCTVM I.



OST consecrationem & communionem sacri panis, accepit CHRISTVS Dominus noster calicem vini in manibus suis, dicens: a *Luc. 22. 20*
Hic est calix b sanguinis mei b *Matt. 26.*
 noui Testamenti, qui pro a *28.*

vobis, & pro b multis effundetur in remissionem b *Marc. 14.*
 peccatorum. Quorum verborum virtute, vi- *24.*
 rum fuit conuersum in pretiosum ipsius San- *S Thom 3.*
 guinem. p. q 87. a. 3.

I.

CIRCA quod, est primùm consideranda infinita Christi Domini nostri charitas, liberalitas, & omnipotentia, quæ in eo resplendit, quod totum suum sanguinem, nec vnica excepta gutta, in calice pro nutrimento & delictis nostris posuerit. Satis proculdubio fuisset, ad nostram sanctificationem, si tanta sanguinis quantitas, in calice fuisset, quanta erat meri vini, aut certe vnica tantum gutta illius

sanguinis suffecisset: non tamen hoc voluit, sed ut totus venarum eius sanguis, quem tunc habebat, & nunc habet in capite, corde, brachijs, & reliquo corpore, in eo calice deponeretur: quem totum, nihil sibi eius referuans, liberalissimè tradidit; hoc indicio, amorem suum & liberalitatem nobis manifestans: eodemque facto me inuitans, ut & ego meum totum, si ad ipsius obsequium id necesse fuerit, illi offeram.

II. VERVM vlteriùs progreditur eius charitas & liberalitas: quia non solum sanguinem tradit, sed etiam ipsum calicem pretiosissimum, in quo ille continetur: Atque si quis Princeps inuitaret alium, ad bibendum excellens vinum ex aureo poculo, pretiosissimo, plurimis gemmis ornato, ac diceret bibe vinum, & retine tibi poculum: ita CHRISTVS Dominus noster, dat nobis suum sanguinem pretiosum, & simul vas in quo ille continetur, quæ sunt eius vena, caro, & corpus Sanctissimum, cum anima & Diuinitate sua, ut totus ipse sit potus & cibus noster. O charitas immensa! ò prodigalitas sanctissima! quomodo non tibi dabo Domine quidquid habeo, siquidem tu mihi admirando adeo modo das quidquid habes.

III. MAGNUM etiam mysterium habet illud verbum MBI, mei inquam, non alieni, sed proprii: In quo nobis aperit suam charitatè, multò aliter, quàm Reges terræ, qui bibant sanguinem

nem

rem subditorum suorum; & ex eo sunt postea liberales, & illo expenso prouincias suas propugnant, & expugnant alienas: at Christus Dominus noster, pretiosum suum sanguinem suis subditis bibendum propinat: ex illo liberalis est & profusus; eo conquirat ipse thesauros & regna pro ipsis. O Rex supreme, non Tyrane, sed Pater; & Pater amantissime, qui sanguine venarum tuarum vitam & nutrimentum das filiis tuis, & subditis, vt omnes simus de tuo sanguine Regio, *genus electum, regale sacerdotium, gens sancta.* O si totus populus Christianus agnosceret genus suum, & sanguinem, & de eo gloriaretur, bibens sanctos & generosos tuos mores.

1. Pet. 2. 9.

PUNCTVM II.

CONSIDERANDVM deinde, quomodo Christus Dominus noster, hunc sanguinis sui calicem appellarit *nouum testamentum.* PRIMVM vt declararet excellentiam testamenti noui supra vetus: nam hoc innitebatur sanguini animalium quò Christi sanguinem præsignabat: at nouum innititur sanguini ipsius Christi: in quo est fundatum, stabilitum, & confirmatum. Et ita perpendam, Christum Dominum nostrum, hac nocte suæ passionis testamentum condidisse cum plurimis legatis, & promissionibus infiniti valoris. complectebantur enim omnes thesauros gratiæ & gloriæ, quos Deus habet, vt suis electis

L

L 5 distri-

II.

distribuat. In hoc testamento promittit nobis veniam peccatorum, etiam poenarum æternarum quas illis sumus promeriti; promittit nobis etiam gratiam & adoptionem filiorum Dei, cum charitate, & virtutibus, ac donis omnibus Spiritus sancti; & hæreditatem cælestem, quæ est æterna beatitudo; & exauditurum se nostras orationes, nostrisque adverificationibus ad futurum, & auxilium in nostris actionibus præbiturum. Omnium harum promissionum & legatorum sanguis hic est firmamentum, pignus, arrha, scriptura & instrumentum privilegij, quo assecuturi sumus, quod Christus nobis comparavit, quod promisit, & quod testamento nobis legavit: ideoque quod hoc privilegium apud nos habeamus magnorum affectuum amoris, fiduciæ, lætitiæ, & securitatis nostræ salutis, occasionem & motivum nobis adferre debet. Et quædo sacrum facimus, vel audimus, aut communicamus, debemus hunc sanguinem Patri æterno offerre, maximam fiduciã hæc omnia obtinendi, dicentes: ò Pater æterne, pretiosissimum huius calicis sanguinem tibi offero, tanquam instrumentum & privilegium, & signum testamenti filij tui, quo promisit mihi, te daturum, quod peterem, & siquidem tu es testamentarius, imple in me ipseus testamentum, mihi largiens quod peto.

Futura gloria nobis pignus datur.

III.

ETIAM hoc ipso testamento, reliquit nobis Christus Dominus magna monita, & consilia, novum illi mandatum amoris inter nos

mu

mutui, obseruantiam præcepto, um ipsius, & quidquid pertinet ad humilitatem, patientiam, & perfectionem Christianam. Adhæc omnia valet sanguis, qui in hoc calice continetur, quo vires obtinemus ad ea implenda; omne studium ad id adhibentes, & strenuos semper nos, in eius seruitio præbentes.

PUNCTVM III.

CONSIDERANDVM tertio, quod Christus Dominus noster de SANGVINE dixit Apostolis: *qui pro vobis, & pro multis effundetur in remissionem peccatorum.*

PRIMUM dicit: *qui pro vobis effundetur*, vt eos ad compulsionem, & dolorem, ad amorem & gratitudinem permoeret: atque si illis diceret: attendite, quod eundem sanguinem vobis trado, quem gravissimis doloribus sum effusus, non mea causa, sed vestri, & pro vestra salute: compatimini mihi, qui eum effundo; & me redamate, qui aded vos diligo. Et vt dixit verbum illud; *pro vobis*, quia cum multis loquebatur, potuisset singulis dicere, hic est sanguis; qui pro te effundetur; ideoque possum imaginari, idem mihi dici. O amantissime Redemptor, qui sanguinem tuum tanto dolore pro me effudisti, & illum mihi tanto amore in hoc tribuis sacramento,

da mi-

L

da mihi gratiam, vt doloribus tuis compatiar
& amori tuo magnis obsequiis correspon-
deam.

II.

DEINDE dicit: *qui pro multis effundetur*, hoc est pro omnibus hominibus, qui sunt in mundo quantum ad sufficientiam; & pro multis, quantum ad efficacitatem, & fructum, quem ex eo percipient. Et in hoc calice ponitur pro omnibus iis, pro quibus fuit effusus. Facitque huius rei mentionem, vt cognoscamus eius liberalitatem, siquidem nullus est homo in mundo, etiam vilissimus, pro quo hunc sanguinem non effuderit, & quem ipse non inuitet ad eius fructum, etiamsi mancipium sit, & fax terræ. O Saluator liberalissime, siquidem vna gutta tui sanguinis sufficit pro toto mundo, plurimis quæso eius valorem applica, vt plurimi eius fructu gaudeant, Amen.

III.

ADDIDIT denique: *effundetur in remissionem peccatorum* absque vlllo limite, numero, aut grauitate; quia nullus est tantus numerus peccatorum, nec peccatum aded graue & horrendum, quod non possit hoc sanguine deleri, nam etiam peccatum satellitum & carnicum, qui diabolica crudelitate illum effuderunt, eodem sanguine deleri potuit: nam etiam pro illis fuit effusus, & si voluissent, illi facile veniam obtinuissent. *● sanguis Agnæ* te sv preciosissime, cuius virtute omnes possumus *stelas nostras lauare, & dealbare* ab omnibus peccatorum maculis, laua me & de

Apos. 7. 14.

alba

alba, purga & exorna animam meam, omnes ab ea culpæ sceditates lauans, & gratiæ diuinæ virtutibus eam exornans.

ILLUD quoque verbum est perpendendum *effundetur*: quò significatur non guttatim ex corpore suo sanguinem exiturum, nec parcè, sensim per distillationem; sed magna copia eum effusurum totum, & per omnes sui corporis partes, vt apparebit inferius.

QUARTI puncti materia esse potest, quomodo Christus Dominus, & eius Apostoli ex calice illo biberint: sed eadem hic perpendi possunt, qua superius diximus de pane.

MEDITATIO XIII.

DE SACRAMENTALIBVS PANIS & vini speciebus: & quideiisdem nobis proponantur.

H Ac meditatione, & proxima sequenti vii licebit, quãdo sacro Missæ sacrificio inter sumus accepto aliquo eorum puncto, vt aliquos deuotionis actus exerceamus, circa sacrosanctum illud mysterium.